

開法門教導頑夫皆蒙惠澤精苦自修預以同學普得升虛與天相保長存無憂

二願諸天結炁澄清高虛廣覆保真固靈氣候調節四運和平國安民豐普天安寧廣濟一切惠達有生保天長存億劫不傾

三願土地覆載無窮安平不陷海淪不崩保鎮家國兆民興從養生安死惠周十方禾稼滋植管運日豐咸得厚載萬類皆從

四願日月二景高明無有薄蝕虧盈安靖照諸天洞消暗冥保固劫運世祚和平普加潤澤惠灑眾生

五願星辰與日齊光轉燭照耀朗映十方各安其位經緯直行保鎮家國無有災傷四海寧一普天興昌

六願四時隨節推遷景氣和調無有災患疫毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱則無為散則彌天神仙同居結友眾真惠流一切與國愛民普濟羣生人同劫年八願風雨流灑無窮普加施泄受其發揚萬

物滋生國儲民豐

九願五嶽各安其方巍巍包藏長為仙宮安鎮國祚保天無終護度一切莫不仰宗

十願江海蕩蕩無極含容恢廓無細不植淵泉柔惠潤加喘息天人獲慶年同劫石

十一願帝王國土日昌四鎮安睦兵革不揚天人歌唱吉應來翔敷教濟濟威化洋洋兆庶稱慶長樂未央

十二願蝗飛蠶動已生未生咸蒙安全普得生成皆見元炁受陽之形草木果林經冬不零一切濟度靡不鮮榮和與道合真

復爐

香官使者左右龍虎君侍香諸靈官當令行道之所自然生金液丹碧芝英百靈眾具交會在此香火爐前伏願存亡受福家國需

恩十方仙童玉女侍衛香煙傳奏向來所啓徑達至真无極大道玉皇上帝御前

出戶

太上黃籙齋儀卷之八

太上黃籙齋儀卷之九

唐廣成先生杜光庭集

第三日落景行道

各禮師存念如法

衛靈

玄陰七靈 九炁合形 魂精魄爽

二景回輪 飛光赫奕 煥耀長春

日月吐暉 回合華英 大梵流布

奔飛火鈴 魔王受事 朝謁帝京

舍靈普濟 廣惠幽冥 玉文敷告

萬炁騰昇

鳴法鼓二十四通

无上三天玄元始三炁太上老君召出等身中三五功曹左右官使者左右捧香驛龍

騎吏侍香金童傳言玉女五帝直符直日香官各三十六人出當召此間土地里域真官正神速出關奏今正爾燒香奉為某官某

乙為國為家奉修无上黃籙大齋若干日夜以今第三日落景陞壇朝具行道願得太上

十方正真生炁降流臣等身中所啓速達上御

至真元極大道玉皇上帝御前

各稱法位

上清玄都弟子臣某等謹同誠上啓

虛无自然元始天尊元極大道太上大道君
聖祖高上大道金闕玄元天皇大帝太上老
君高上玉皇十方已得道大聖衆至真諸君
丈人三十六天帝君五虛上帝玉帝太帝東
華南極西靈北真玄都玉京金闕七寶玄臺
紫微上宮靈寶至真明皇道君三十六部尊
經玄中大法師東卿司命太元真人西極總
真玉君太平下教二十四真人五嶽靈官神
仙得道三界應感一切真靈臣等伏聞玄微
大道包三界以凝真渺邈玄風冠萬法以垂
化臣等幸資善貺獲奉寶經三境龍書八天
鳳篆役召微命延真降靈未能絕尚幽林自
新昇度所宜宣弘妙訓敷闡法音上佐
帝王普福寰海凡有所向敢不上聞

讀詞

按如詞言義深虔奉上惟家國希降福祥齋
信列詞披心請命罄丹誠於下土仰萬聖於
上臣等輒率法流接依經旨禪神靜念注
想希微崇設齋壇轉經行道以今落景行道
請法衆等運茲初捨上香

願此香煙騰空徑上供養

无上至真道寶臣等歸身歸命首體投地仰
依

太上三尊願以是功德上資宗廟先聖社稷
尊靈宴處玄都福流

皇極瑤園遐求

大寶克昌

皇帝聖德宸居天長地久壽逾萬鎮澤廣滄
溟接袂成康撫育兒馬后妃叶六宮之慶諸
王傳萬乘之榮朝野忠貞藩垣輯睦庶寮百
揆皆贊洪基海外寰中俱登壽域今故燒香
歸依
師尊大聖衆至真之德得道之後昇入无形
和輿道合具
以今落景行道請法衆等運茲二捨上香

願此香煙騰空徑上供養
无上至真經寶臣等歸身歸命首體投地仰
依

太上三尊願以是功德歸流某家九玄七祖
一切幽儀高步蓮臺遊神仙府九龍符命落
鄭那罪目之書五帝監盟勒玉簡生名之品
飛翔三界輪轉十華無福傳休末光來齋今
故燒香歸依

師尊大聖衆至真之德得道之後昇入无形
和輿道合具

以今落景行道請法衆等運茲三捨上香
願此香煙騰空徑上供養

无上至真師寶臣等歸身歸命首體投地仰
依

太上三尊願以是功德奉福某家眷屬親緣
同躋勝善崇山比福巨海齊年承忠孝之風
叶溫恭之美羣災弭息萬行薰修同學至人
三師四友該羅有識月徧含靈俱沐
玄功咸昇
福岸今故燒香歸依

師尊大聖衆至具之德得道之後昇入元形和與道合具

禮方

懺悔

三啓 三禮

天具帝一官

鶴鶴冠耀靈

流煥法輪網

旋空入元形

虛皇撫雲璈

衆具誦洞經

高仙凜手讚

彌劫保利貞

等至心稽首禮

太上无極大道

等至心稽首禮

三十六部尊經

等至心稽首禮

玄中大法師

重稱法位

上清玄都弟子 某等謹重誠上啓

太上无極大道元始天尊太上大道君太上

老君道德衆聖天尊至真天帝天帝三十六

部尊經玄中大法師玉輔上宰四極具王三

界五帝名山洞府隨機應感一切真靈 等

宿以善緣轉輪道域欽承至道參佩玄經值元始開國靈書演教澤流萬品神表五方得涉玄津仰探冥奧但以天章秘重修尚深微所置幽卓棲身窮巖鍊質而從容宇內存存塵寰思建善功以酬天慶濟人助國用福羣生弟子某仰慮前因逮于累劫九玄七祖一切種親三業內資六情旁構五聲伐耳萬類蕩心鼻悅芳香口甘珍饈身耽華麗性溺繁奢目滯色根意迷邪境六塵六欲障清淨之法門十苦十纏隔希微之道本以茲衆罪留滯三塗谷結重陰現拘長夜未蒙解救猶處幽關伏聞元始天尊大慈廣濟迴光三界遊觀八門觀罪禍之因緣垂拯拔之科格是敢齋持法信崇啓道場懺罪析息按靈仙之品目轉經行道運上聖之簡文滙懇皇壇住心

玄極伏冀至真大聖无上法王放五色之神光照九幽之地獄降九龍符命勅下三官濟拔罪現出離長夜某家九玄七世超度衆屬應對罪根無遺無量

三塗流曳六趣輪迴昔報今緣並從洗滌九親眷屬同享福因累積過尤無窮愆犯克蒙銷解俱出欲纏祛未死之災降將來之福壽延祚永禍滅殃除上願帝業恢弘

皇圖悠久山齊聖壽日並睿明六氣和而百穀登玉燭調而金鏡朗儀璘昭煥海嶽晏安夷夏和平星辰順軌山川嶽瀆內外職司護國安人延休介福上明天尊大慈之施下副日等歸命之誠謹啓以聞

發願

一願大道流行普天懷德二願一切有生成皆悟道三願九夜悲魂一時解脫四願孤魂無依咸得受生五願天下太平五穀豐熟六願臣忠子孝君仁父慈七願四海通同寬親和釋八願潛胞處卵咸得生成九願積疾新病旋即痊愈十願孤露衆生豐衣足食

復爐

香官使者左右龍虎君侍香諸靈官當令

行道之所自然生金液丹碧芝英百靈衆具
交會在此香火爐前令修齋弟子存亡受福
家國霑恩十方仙童玉女侍衛香煙傳奏
向來所啓速達
至真無極大道玉皇上帝御前

出戶

太上黃籙齋儀卷之九

太上黃籙齋儀卷之十二十一日奉 實十

唐廣成先生杜光庭集

太子降誕清旦行道

入戶

各禮師存念如法

衛靈

青陽虛映 曜日回靈 神虎辟邪

飛天流鈴 推奸滅試 萬魔束形

九微迴道 八威攝精 千具校錄

三元蕩清 左嘯中黃 右策六丁

七轉八合 周旋天經 聖化巍巍

三道順行 慶雲流布 合景黃庭

鳴法鼓二十四通

无上玄元太上道君召出臣身中三五功曹

左右官使者侍香金童傳言散花玉女五帝

直符直日香官各三十二人出出者嚴裝關

啓玄壇天帝神君當召此間土地里域具官

正神以今奉為入者祈恩玉關進拜丹書願

得玉清道系靈寶妙光下降流入臣等身中

即使紫精鬱勃玉關開明五老輔根萬帝攝

真體圓珠映乘景駭宸金光煥赫御炁上清
今臣所啓速達徑御

太上無極大道無形無名虛无自然金闕五

陛下

各稱法位

上清玄都大洞三景弟子无上三洞法師奉

行黃籙大齋降誕法事某微先生某帶真人

臣某等同誠上啓

虛无自然元始天尊无極大道太上大道君

高上大道金闕女元天皇大帝太上老君吳

天玉皇上帝十方已得道大聖衆至真諸君

丈人三十六天帝君玉虛上帝玉帝太帝東

華南極西靈北真玄都玉京金闕七寶玄臺

紫微上官靈寶至真明皇道君三十六部尊

經玄中大法師南上好生君文昌主仙君延

壽領籍韓君丈人太平下教二十四具人三

界應感一切真靈臣等伏聞萬化之先大道

資始胞胎日月孕育乾坤三統肆分四大依

叙肇茲邦國總御寰瀛惟帝為尊配天立極

以正君臣之位以明家嗣之儀由是垂葉承